

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՄԱՐՏԻ 19-Ի N 596-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ Ո Ւ Մ

_____ փետրվար 2024 թվականի N _____ -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՄԱՐՏԻ
19-Ի N 596-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» Հայաստանի
Հանրապետության օրենքի 34-րդ հոդվածը՝ Հայաստանի Հանրապետության
կառավարությունը *ո Ր Ո Շ Ո Ւ Մ Է.*

1. Հայաստանի Հանրապետության կառավարության 2015 թվականի մարտի
19-ի «Հայաստանի Հանրապետություն կառուցապատման նպատակով
թույլտվությունների և այլ փաստաթղթերի տրամադրման կարգը հաստատելու
և Հայաստանի Հանրապետության կառավարության մի շարք որոշումներ ուժը
կորցրած ճանաչելու մասին» N 596-Ն որոշման (այսուհետ՝ Որոշում) մեջ
կատարել հետևյալ լրացումները՝

1) Որոշման N 1 հավելվածը լրացնել հետևյալ բովանդակությամբ 25.1.-րդ
կետով.

«25.1. Ձկնաբուժական տնտեսության ոլորտի շինությունների կառուցման
նպատակով հայցվող դիմումին կից պետք է ներկայացվեն նաև բանկի, այլ
վարկային հաստատության կամ ապահովագրական կազմակերպությունների
կողմից տրամադրված՝ նվազագույն աշխատավարձի հիսուն հազարապատիկի
չափով երաշխիքի առկայության փաստը հավաստող փաստաթղթերը:»,

2) Որոշման N 5 հավելվածի N 4-1 ձևի 1-ին կետը լրացնել գ. ենթակետով.

«գ. երաշխիքի առկայության փաստը հավաստող փաստաթղթերը
(ձկնաբուժական տնտեսության ոլորտի շինությունների կառուցման
պարագայում):»:

2. Սույն որոշումն ուժի մեջ է մտնում պաշտոնական հրապարակման օրվան
հաջորդող օրը:

Հայաստանի Հանրապետության
վարչապետ

Ն. Փաշինյան